

ATODLEN 7

DARPARIAETHAU TROSIANNOL AC ARBEDION

RHAN 3

Darpariaethau'n ymwneud â diwygiadau i ddeddfiadau penodol

Deddf Diogelu'r Amgylchedd 1990

8. Er bod y Gorchymyn hwn yn diddymu Atodlenni 8 a 9 i Ddeddf 1990, mae'r diwygiadau a wnaed gan yr Atodlenni hynny i Ddeddfau eraill yn dal i gael effaith i'r graddau yr oeddent yn cael effaith yn union cyn i'r Gorchymyn hwn ddod i rym, yn ddarostyngedig i unrhyw ddiwygiadau i'r Ddeddfau eraill hynny a wnaed gan y Gorchymyn hwn.

Gwybodaeth Cychwyn

11 Atod. 7 para. 8 mewn grym ar 1.4.2013, gweler [ergl. 1\(2\)](#)

Rheoliadau Rheoli Peryglon Damweiniau Mawr 1999

9.—(1) Mae'r paragraff hwn yn gymwys at ddibenion rheoliad 7(11) o Reoliadau Rheoli Peryglon Damweiniau Mawr 1999(1).

(2) Pan fo—

- adroddiad diogelwch yn cael ei anfon at yr awdurdod cymwys mewn perthynas â sefydliad yng Nghymru;
- yr adroddiad diogelwch hwnnw yn cynnwys gwybodaeth sy'n cyfeirio at wybodaeth mewn adroddiad neu hysbysiad arall a anfonwyd at Asiantaeth yr Amgylchedd yn unol â gofynion a osodwyd gan neu o dan unrhyw ddeddfiad; ac
- yr adroddiad neu'r hysbysiad arall wedi ei anfon at Asiantaeth yr Amgylchedd cyn y dyddiad trosglwyddo;

yna, ystyrir bod yr adroddiad neu'r hysbysiad a anfonwyd at Asiantaeth yr Amgylchedd wedi ei anfon at yr asiantaeth briodol.

(3) Yn y paragraff hwn, mae i “asiantaeth briodol”, “sefydliad”, “hysbysiad” ac “adroddiad diogelwch” yr ystyron a roddir i “appropriate agency”, “establishment”, “notification” a “safety report” yn eu tro gan reoliad 2(1) o Reoliadau Rheoli Peryglon Damweiniau Mawr 1999 fel y'u diwygiwyd gan y Gorchymyn hwn.

Gwybodaeth Cychwyn

12 Atod. 7 para. 9 mewn grym ar 1.4.2013, gweler [ergl. 1\(2\)](#)

Rheoliadau Defnyddiau Atgynhyrchiol y Goedwig (Prydain Fawr) 2002

10.—(1) Mae person sy'n swyddog awdurdodedig at ddibenion Rheoliadau Defnyddiau Atgynhyrchiol y Goedwig (Prydain Fawr) 2002(2) yn union cyn y dyddiad trosglwyddo yn cael ei

(1) O.S. 1999/743 fel y'i diwygiwyd gan O.S. 2002/2469, O.S. 2005/1088, O.S. 2008/960, O.S. 2008/1087, O.S. 2009/1595.

(2) O.S. 2002/3026 fel y'i diwygiwyd gan O.S. 2006/2530.

ystyried yn swyddog awdurdodedig wedi hynny yn rhinwedd y ffaith ei fod wedi ei awdurdodi gan y Comisiynwyr a chan Weinidogion Cymru.

(2) Nid yw is-baragraff (1) yn effeithio ar bwerau'r Comisiynwyr na Gweinidogion Cymru i ddirymu, ar y dyddiad trosglwyddo neu wedi hynny, unrhyw awdurdodiad sydd gan berson neu i adnewyddu'r awdurdodiad hwnnw wedi hynny.

Gwybodaeth Cychwyn

I3 Atod. 7 para. 10 mewn grym ar 1.4.2013, gweler [ergl. 1\(2\)](#)

Gorchymyn Iechyd Planhigion (Coedwigaeth) 2005

11.—(1) Mae person sy'n arolygydd at ddibenion Gorchymyn Iechyd Planhigion (Coedwigaeth) 2005⁽³⁾ yn union cyn y dyddiad trosglwyddo yn cael ei ystyried yn arolygydd wedi hynny yn rhinwedd y ffaith ei fod wedi ei awdurdodi gan y Comisiynwyr a chan Weinidogion Cymru.

(2) Nid yw is-baragraff (1) yn effeithio ar bwerau'r Comisiynwyr na Gweinidogion Cymru i ddirymu, ar y dyddiad trosglwyddo neu wedi hynny, unrhyw awdurdodiad sydd gan berson neu i adnewyddu'r awdurdodiad hwnnw wedi hynny.

Gwybodaeth Cychwyn

I4 Atod. 7 para. 11 mewn grym ar 1.4.2013, gweler [ergl. 1\(2\)](#)

Gorchymyn Sancsiynau Sifil Amgylcheddol (Cymru) 2010

12.—(1) Yn y paragraff hwn—

ystyr “Deddf 2008” (“*the 2008 Act*”) yw Deddf Gorfodi Rheoleiddiol a Sancsiynau 2008; ystyr “Gorchymyn 2010” (“*the 2010 Order*”) yw Gorchymyn Sancsiynau Sifil Amgylcheddol (Cymru) 2010⁽⁴⁾ fel y'i diwygiwyd gan y Gorchymyn hwn.

(2) Mae adran 67 o Ddeddf 2008 yn gymwys i Orchymyn 2010—

- (a) fel pe bai cyfnod o un flwyddyn wedi ei roi yn lle cyfnod o dair blynedd yn is-adran (2); a
- (b) fel pe bai unrhyw ddarpariaeth yng Ngorchymyn 2010 i roi pŵer i reoleiddiwr i osod sancsiwn sifil ar gyfer trosedd—
 - (i) wedi ei gwneud o dan neu yn rhinwedd Rhan 3 o Ddeddf 2008; a
 - (ii) wedi dod i rym ar y dyddiad trosglwyddo.

Gwybodaeth Cychwyn

I5 Atod. 7 para. 12 mewn grym ar 1.4.2013, gweler [ergl. 1\(2\)](#)

(3) O.S. 2005/2517 fel y'i diwygiwyd gan O.S. 2006/2696, O.S. 2008/644, O.S. 2009/594, O.S. 2009/3020.

(4) O.S. 2010/1821 (Cy. 178).

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Gorchymyn Corff Adnoddau Naturiol Cymru (Swyddogaethau) 2013, RHAN 3.